

檀門詩存

鄉賢崇祀錄附後



壽



存

古人詩集最富者在唐惟香山長慶集宋惟放翁  
劍南集皆手自編訂其他多不過手數首少僅二  
四百首義貴取精不見少也總憲金檜門先生少  
博雅宦學吾郡汪丈鶴桴郡中老宿也居范湖稱  
藏書家子官翰林時奉母假旋往復過從見先生  
於甥館每出所爲詩春容奧衍有古作者風予一  
見以國士遇之先生亦心重予引爲知己歲丙辰  
恭逢

皇上御極元年海宇人文蒸蒸向風先生以公車

序一

來京師首蒙

聖主特達之知廷試擢第一松泉汪文端時爲同  
考雅器重先生後先生每言師友中交契最深者  
必舉松泉與予尋入直內廷同趨

禁禦依

日月之光鳴國家之盛親近

宸章耳濡目染作爲詩歌和平大雅宮商協應退  
食之暇昕夕討論汲古虛受益自淬鍊故職屢遷  
而業亦僑上屢典試事東歷泰山華不注之高南

踰江淮浮洞庭渡彭蠡窮三山五嶺之奇每登臨  
題詠人爭傳誦得江山之助居多先生爲人醇古  
澹泊宋元人中尤愛東坡梅溪遺山曼碩諸家故  
其所作徃徃相近顧生平著作多不自收拾以故  
散失不少丈夫子五皆能世其家學員外忠澤主  
事潔綴拾遺稿得詩四百餘首編爲四卷請予名  
其集予以詩取足存而已一二首與千萬首無以  
異也先生造詣固卓卓如是斯愛斯傳以視吉光  
片羽全豹一斑不旣多乎惜松泉墓有宿草不及

序二

見先生有子能存家集相與流連賞晰也因畧叙  
先生生平游歷虛懷切劘之致以爲後學趨向云  
乾隆三十二年八月朔

香樹同學弟錢陳羣拜題

此都御史金公檜門先生遺詩也乾隆丙寅初夏  
士銓應童子試得受知於公卽命束書肄業十七  
年中或從游使車或依侍京邸昕夕承警歎者旣  
深且久故於公雅言緒論與聞最詳公寢饋經史  
至老弗倦斗室一燈丹黃典籍汲汲如不及於世  
人意想嗜好泊如也性樂佳山水凡使節經過勝  
區古蹟無寒暑雨雪必命駕登覽至則留連領挹  
吟嘯久之而後去蓋天懷清曠如此先生之言曰  
予四十後始刻意篇什手錄漢魏唐宋人詩數尺

後叙

一

薈萃研究貫穿裁擇者且十載於是豁然領悟古  
人詩法知所取舍大約墨守者多泥而窒詭遇者  
則肆而野自古作者本諸性識發爲文章類皆自  
開生面各不相襲變化神明於規矩之間使天下  
後世玩其謳唸可以知其襟懷品詣之所在人與  
言乃因之而不朽其斤斤於皮相派別者未嘗不  
雄視一時迨聲勢旣盡羽翼漸衰不待攻擊而自  
歸澌滅亦可哀已今按先生詩自賡颺贈答以及  
體物言情諸什無不埽除窠臼結構性眞頓挫淋

滴直達所見出入韓杜蘇黃間譬諸名將用兵旌  
旗壁壘自立一軍而紀律森嚴皆暗合乎孫吳衛  
霍之法世有知者定當心折也公自大魁通籍二  
十有七年遭際

聖明任斯文衡尺者無虛歲雖未膺封疆民社之  
寄而騶從所經凡有關大政者皆切實入

告爲

上所嘉許得以施行蓋學具體用心涵忠藎而經  
世之畧因端發見者又如此顧位臻亞相遽以勞

後叙

二

瘁嬰疾而卒不竟所用朝野爭惋惜之云公歿後  
七年公子輩梓公遺帙於秀州士銓敬述所聞見  
綴於卷末俾後之尙論者資以考鏡焉戊子六月  
門人鉛山蔣士銓再拜謹書

詩存總目

卷一

古今體詩一百二十五首

卷二

古今體詩一百七首

卷三

古今體詩八十二首

卷四

古今體詩八十七首

詩存

總目

卷四

古今體詩八十七首

卷三

古今體詩一百七首

卷二

古今體詩一百二十五首

卷一

詩存總目



詩存卷一

仁和金 德瑛 檜門

小清涼山房圖詩 山房在海淀槐樹街勵  
文恭公休沐地也鄙人退直樓託其間雲壑  
煙巒蔚然在望考圖經西山一名小清涼爰  
取爲名請張南華前輩寫其意而繫之詩

路出郊西近身依尺五天當年勞卜地遲我問流  
泉散帙臨窗下羣峰隱几前麟音門外絕兀坐意  
悠然

詩存

卷一

一

文史充官事川巖奉宴居偶然騎款段是處看芙  
蕖靜與竹梧對涼生夜月初披衣緇未染眞說愛  
吾廬

少愜閑中願猶餘物外情山容多醞藉歲序曷崢  
嶸勛業知何與文章敢自名候蟲侵夜急暗使肚  
心驚

三時長託迹來去分無違春淺柳迎馬霜寒葉打  
衣圖成他日在屋老昔人非惟有槐陰翠年年蔭  
板扉

戊午典試闈中出都作

雨散青郊綠意勻，駸駸行路不驚塵。騎驢大有衝泥客，擁傳應慙奉使臣。雲物新移都到眼，關山迢遞半知津。王程縱道風懷好，驛柳依依也動人。

清江浦渡河

黃淮萬派納咽喉，竹落金隄役不休。自古河渠無上策，迄今廊廟尙殷憂。三農有粟全輸漕，四瀆唯江未合流。天爲生民留澤國，莫言設險恃人謀。

夜雨限韻

詩存

卷一

二

暗風吹潤入吳綾，到夜還看雨勢仍。錦障泥應停遠騎，玉蟲花自綴孤燈。泠泠露瀉侵檐竹，殷殷鐘撩欲定僧。敢說高歌驚杜老，短箋題字我猶能。

遊普覺寺四絕句

卧佛

歷劫鎮長眠，拋却蓮花座。笑爾四威儀，不知行住坐。

古檜

霜皮左紐紋，導客上雲根。我是天隨子，欲移雙作

門

娑羅樹

佛言敷震旦此樹與俱來至今驅惡鳥不近講經

臺

退翁亭

孫侍郎承澤築

章皇乙未冬茲亭退翁築抽簪老尙強坐說滄桑

錄

山房秋夜

夜涼長對短燈檠白露侵衣鶴警聲肯使持螯還

詩存

卷一

三

減興卻因見月易生情風傳亂柝遙山應霜殺空  
原萬木清賸有千秋糟粕在鬱蟠胸次未能平

南苑大閱恭紀二首

東都大業紀車攻奮武修文道本同吉日應占蒐

卒乘期門奉

詔集羆熊風雲四面儲胥合日月中臨閣道通鵲

尾香飄徐按轡太平

天子統元戎

組練飛馳捷羽翰城南草淨列營寬六師盡識尊

尊誼

萬乘親登將將壇鼓角濤喧驚野外旌旗雲台出  
林端正當雪積霜凝候挾纒恩深士不寒

吳覲揚聽松圖

松翠連山翠山空聞妙音畫師曾獨往萬壑寄情  
深客去何多日枝枯又幾尋與君黃海舊一等是  
鄉心

題張鷟洲前輩秋湖采蓴圖送其出使臺灣

蓴羹原是君家物况在西湖百頃中千里驅車來  
詩存

卷一

四

日下十年作宦負秋風波光漾漾明如畫星使駸  
駸去若鴻虛過家鄉嘗不得此情與我昔時同

西苑春日呈同直諸公

鎮日追陪清闕地春隨人意日遲遲烟花遠作江  
南思丹墨閒從硯北披列騎罷歸歸怯薛長楊垂  
影噪芻尼優游且免詞頭下宮漏潛催久不知

郊西柳枝詞八首

西直門邊柳萬枝含烟帶露拂旌旗長是  
至尊臨幸地世間離別不曾知

麴塵夾路故依依，寒食垂楊盡散絲。  
蹀躞馬蹄三十里，東風狂殺羽林兒。  
鳳城隔斷山重重，出郭準看蒼翠濃。  
苦被烟梢迷卻眼，馬頭只露兩三峰。

高粱橋上柳陰陰，高粱橋下水深深。  
行人六月橋邊過，何處清風最稱心。

御溝婀娜自舒腰，隔岸樓臺酒旆飄。  
浮萍一夜齊鋪綠，襯出紅闌小板橋。

玉泉山下是行宮，龍爪雙槐色更濃。  
愛煞白龍終日吼，聲聲流出柳陰中。

卷一

五

行到西堤影不分，千條萬縷拂湖紋。  
黃鶯宿處常千轉，白鷺飛過忽一羣。

寶馬香車夾道迎，踏青澆塚過清明。  
夕陽冉冉人歸去，迴首垂楊無限情。

賦得草色遙看近卻無

烟光幾日散平蕪，青入郊原色漸殊。  
望裏似連春浦遠，藉時曾沒燒痕無。  
斜陽影欲迷蝴蝶，細雨聲偏憶鷓鴣。  
點綴南朝希範筆，尋芳刻意轉模糊。

辛酉典試江南出都呈李臨川先生四首

敢說掄材夙所諳

恩又命向江南此邦自昔爲桑梓多士于今富杞

楠異數不教授例避

臣原籍休甯具摺迴避特旨不允

名儒

特許近臣參蟬聲驛路秋風裏回首西山翠黛含  
諛材自愧嶺頭龍派別煩公導大江齟齬早知尊  
斗岱東南誰不望麾幢盡芟剽竊標流品莫使魁  
閔滯洽函得與執鞭傳盛事門生今伴使星雙

簪筆長年侍

詩存

卷一

六

玉墀無能昕夕數從師竭來函文樞衣地卽在三  
秋秉尺時鎖院松風分瀾茗短亭烟柳度垂絲老  
成公望今尤鮮警欬都成典故詞

愚衷仰荷

聖明知鄉里持衡世所稀豈似東坡迷李廌願師  
永叔變劉幾三場高下無姑息千古文章有是非  
得藉大賢爲指迹搜羅庶免寸衷違

疊韻再呈臨川先生

斯文得失孰能諳且幸觀風有指南荆石磨礪呈

白壁鄧林採斲露香楠清華今日人誰是典則前  
賢舊可參騰躍百家都不怪經畝有味必中含  
一勺涓涓赴急瀧鴻裁翻爲瀉潘江襟期原似光  
明錦道力彌堅精進幢差信無波同古井相隨譚  
藝對秋窗遙憐雲網高張處國士能來許疊雙  
北斗聲名達

赤墀昌黎端合抗顏師羣兒譽毀緣何事萬古江  
河自有時皎皎極知心似雪番番莫道鬢成絲要  
當努力襄文治深厚丁寧感

詩存

卷一

七

訓詞

昔年對策舊蒙知親炙尤看古誼稀夢寐尙能覘  
素履鬼神未許瞰先幾一經指授周行在幾度商  
量舊學非豈獨棘闈甘侍坐執經永久願無違

景州董子祠

漢氏尙儒術如公只一人書猶疑弟子道豈合平  
津故里森陂水清祠薦藻蘋從知真學力千載後  
能伸

在平懷古

一日逢明主千秋說馬周  
鳶肩人或似封事古難  
儔隋室潛身久何家應詔求  
同朝名將相出處獨  
君優

徐州懷古

帥五諸侯其滅秦英雄開闢古  
無倫漢營氣早成  
天子垓下頭終德故人落日霸  
都濰水壯東風姬  
血草痕新天亡戰罪徒分別  
項伯功封異姓親  
秋濤怒卷古彭城太守隴隄  
版築成猛士詩人樓  
九日羽衣吹笛月三更曾吟  
大集淋漓句今聽雙

詩存

卷一

八

洪斗落聲歎惜故山歸未得不勝風雨弟兄情  
閉門寂寞陳無已文字南豐一瓣香不向蘇門作  
賓客况從時相假衣裳士生貴富天常吝志在孤  
清死不妨安得斯人式通俗洪河東下日湯湯

過符離作

行役古戰場其名符離宋室南渡後十萬潰熊  
羆孝宗憤前恥慷慨欲刷之忠義爭吐氣恢復此  
一詩有臣曰張浚歸然先朝遺開闢授旄錢鷹揚  
尙父師浚也不自量大任臣能爲軍貴事權一兩

雄無俱棲顯忠與宏淵才氣匪等夷前軍頗猛銳  
後隊方狐疑譬諸與人鬪自斷其左肢中原那得  
到鳥獸分散歸崇朝敗報至舉朝相愕貽君以戰  
爲作臣以和爲宜沒世氣不復旣往何能追試閣  
誤國者發縱指迹誰伊昔謀統制復斷實忌飛王  
酈弗相能瓊叛敵國資敗著終不悔依然覆危棋  
趙氏疆圉弱如人元氣羸重以喪師因剝削付庸  
醫始焉富平敗終焉符離虜生攻李綱相死借曲  
端旗中興父老歎汴土陵廟哀嗚呼配諸葛後世  
詩存

卷一

九

甯可欺

白溝河遼宋分疆地也

投鞭可斷險如何歲幣方輸又動戈謨國權闡通  
韃靼先朝將帥愧休哥燕雲長作王庭棄塘梁偏  
容虜騎過紅袖白衣從北渡悠悠流恨舊分河

白露節抵臨淮連日熱甚

立秋已匝月天氣猶炎暑自北欲裝綿來南復絺  
紵久客戀京華幾忘故風土帷綃薄如霧又聽飛  
蚊語

廢營次王樓山前輩韻

牙旗玉帳羽書移慷慨當年此駐師  
暗去劉鄩知幾日來觀仲達任多時  
鳥飛不避寒轅氣跌在旋銷舊戟  
枝傳得國殤千古誦猶煩詞客弔臨岐

自九江往饒州阻風彭蠡五日禱於左蠡神祠次日挂帆而去用昌黎衡岳廟韻

行使止尼憑天公十月泊舟彭蠡中  
風力拔湖湖水立蒼崖搯束驚濤雄  
連維重碇猶鏃盪柁師屏息嗟途窮  
夙聞宮亭著幻異扁舟來往能分風  
昌黎衡岳詩篇在東坡海市心祈通  
陰霾氛霧一掃淨俯仰宇宙開清  
空古今正直理不異潛孚默祝高明  
融樞衣趨向山嶺拜巋然危峙神靈  
宮賈客豚雞紛禱卜血腥染地流  
殷紅我焚素紙達誠意幽明受職  
期和衷青袍白帽幾千士駐望旌  
節偵微躬

卷一

十

王事敦迫歲行促托緣假道人情同  
猗鷖聘列五晝夜數窮勢變宜有終  
計程直可半日達得濟豈爲一人功  
登舟惴惴不成寐坐待旭日升瞳矓  
船

頭歛看旗尾轉打鼓寥寥帆向東

立秋後一日與同年曹水持淨香齋言詩作  
一瓣香何在清言至日曛未能師古義輕說張吾  
軍揮霍君才別淄澠鄙性分清涼圖畫裏相對舊  
烟雲

廢學吾所忌居官孰起予大都親卷牘少得近琴  
書語久蘭風動秋新竹影疎不知門外客推測意  
何如

劉表傳

詩存

卷一

七

苦費書詞譬二袁自家豚犬向誰言鹿門未達高  
人旨何處荊州遺子孫

驗看歲貢生

念爾褒衣士來求本分官老猶誇體健貧其訴家  
寒知足道無辱灰心事果難宮牆舊歲月幾作隔  
生看

觀演康對山劇

閉戶風流自品題天教三絕共關西偶因良友迂  
身救何意高名七子齊漢黨幸全思陳實晉卿請

免望祁奚暮年潦倒江南路濁酒新詞寫赫蹏

題王虛舟先生書後

夔角隨先兄執經供洒掃先生謂童子瞭然聰明  
好京華繼覲面梁谿遂幽討得性最諧和終身無  
懊惱擺落榮枯事人與書俱老夙昔欸高齋言宴  
竟昏曉奉使再經過墓門閉春草二泉失寓公山  
川色亦槁嗚呼篋中書子孫其永寶

游麻姑山

昭武三月試士畢太守導我訪麻姑茲山近郭十  
詩存

卷一

七

里許瀑布勝絕如匡廬春雲滄滄春雨織々于泥  
淨煩輿徒谷口一徑何谿訝原中千畝皆膏腴山  
巔地勢平於掌靈泉沾漑早不枯青楓翠櫟聳蒼  
蔚玉柱銀房半榛蕪當年鸞鶴翔何處松風吹落  
空中竽客當憩息雨亦止會仙橋上開行厨泉聲  
吼出坐席底倒濺飛沫沾盃盂滂然陡下一千尺  
怒挾亂石羣龍趨頗疑古來忠烈士愛說妄誕驚  
庸愚豈是神仙能狡獪終藉翰墨標名區到今遺  
碣久磨滅片紙珍重如璠璣華岡幽邃弗及到走

趨原不利長裾欲作山林獨徃客桐帽棕鞵稱野  
夫人

遊麻姑山出谷未晡續作從姑之游

山小石勢奇甚

上垂下縮兩石對峙中有一線天

隔河遙見雙翠鬟臨風綽約矜容顏麻姑已到此  
未到何不縹眇登其巔疑是當年次仲翻兩岸裂  
墮中存天又疑仙人承露盤一莖裊裊當空懸廊  
房嵌入巖下竇雨點不打僧檐端有時罡風一吹  
動便欲搖曳隨雲烟橫看倒看皆窈窕絕頂拾級  
難躋攀何當朗月清風際吹笛置酒招仙媛暝色  
催歸興不足回顧秀黛猶娟娟

詩存

卷一

七

江西諸郡建昌府風景致爲可愛

秋陰黯黯雨兼晴溯浪蒲帆六幅輕視學聲名慚  
北地引人風物愛南城通嵐屋宇連田秀飲練虹  
梁漾月明欲就仙源晞綠髮厭聞東海說塵生

九月中旬舟中翫月次張于暉韻

勞人長似魴尾赤思返深淵樂澄碧水函月夕得  
安閒空明四野驅塵積眼看良友聚羊何遠見來

山吐圭璧耀輝雲外轉冰輪閃閃波心無轍跡宛  
然墮入叵羅中銜杯兼吸團圞魄屈指歲月半江  
湖筆牀茶竈浮家宅炎天苦熱冬苦寒唯有清秋  
莫輕擲元譚對坐拈松毛蠻紙聯吟費標格禮數  
豈爲吾輩拘盤餐那異長者席探奇孟底一闔藏  
角勝掌中五峰擘自晒主人涼德多同舟賓客皆  
爲敵或教三敗恥曹沫試與七擒輸孟獲載書百  
卷酒百壺眞作拍浮歡樂劇過此霜露沾衣襟縱  
遇良夜堪惋惜願月無憾月長圓舉眼何必分青

卷一

十四

白

造口懷古

惶恐灘頭波浪急金師追後行將及太后福薄天  
猶憐虎口幸離啜其泣父兄幽質五國城臣構視  
之無重輕區區老婦虜何用未必爭母如齊項截  
江猛將氣如虎兀术驚跳廟中鼓從茲天塹保東  
南航海奇謨君莫取湖山錦繡宮殿開問安迎使  
稠疊來手詔立帝德未報願祝茲壽傾金疊朝廷  
貶去李伯紀前此憂辱無言矣志士悲吟弔鷓鴣

淚滴鬱孤臺下水

題吾汶稿

丞相不勸原必死先書祭文數十紙待得燕山齒  
髮歸同心不愧同鄉里昔者宋玉師屈原莫能直  
諫空招魂未知楚滅身何所千古但有風流存何  
如廬陵王鼎翁恥作機雲作陳東心哀母老難許  
國不然隨殉柴市中虔州之水洪州驛處處悲風  
寒凜凜義士相望四百年歙州亦有江天一

道源書院贈南安游心水太守

詩存

卷一

五

孟後千餘載周子紹微言生知無師授獨臻闔奧  
全得二程子徒日月回中天南安雖僻郡司李栖  
龍鸞大賢過化地飲水應尋源胡爲過嶺士競慕  
南華禪修途闢易塞野火撲更然英哲尙迷方狂  
騁如風顛太守篤經術仁讓變鷹鷂一綫扶正學  
辛勤歷十年郡東峙佳嶺秀色羅雲烟翦除伽藍  
宇改作禮義門堂中四粟主俎豆昭吉蠲民懷功  
德在配以王伯安典型斯可仰百世與懦頑十室  
有忠信入里必式焉甯謂四邑陋不堪與陶甄招

徠青衿子鬢舍數十間擇師具餼粟琢璞成典璠  
我來一登拜俯仰發清妍霽月光風境宛然落日  
前君政異俗吏必以德教先邦人如鄒魯君名當  
不刊

南康阻風遂作開先之遊僧隱樵出灌園圖

乞題

三月開先地菜花繞寺門山僧專靜寂物外有田  
園近接銀河潤閑看土脉翻自然詩格好禪悅出  
名言

詩存

卷一

七

爲園誰似此託地得靈山小摘供盤饌芬辛亦解  
頑春陰無過客梅落不開關誰識停帆者題詩一  
往還

江州

吳楚中流第一城時危聞說最當兵卽今膏澤淪  
肌久猶見田園半郭平市井竹蘆編淺屋漁商燈  
火亂初更何當匣卻雲端劍莫使嶙峋練影明

游九峰寺

略徇度八九泉水流琤淙一峯復一峰引入九峰

中石橋三澗合虛亭四面通老僧七十餘耳目殊  
清聰徒衆自耕食山柴足野供水勢猶出谷僧杖  
無移蹤笑語留貴客小住亦從容

獅子菴

茂竹掩行徑高柯早蟬鳴山僧閉關坐籬落犬有  
聲客到剝啄響徐徐啟軒楹清風時一吹衣袂皆  
飄輕茶水自採汲此外何營營

東林寺

去郭三十里息駕廬山陰喬木標古刹言是東西  
詩存

卷一

七

林遠師負高名影堂傳至今虎溪不數武一過何  
容心士旣志出世魚鳥同飛沉肯令軒冕輦車馬  
來駸駸晉人惟好事緇流亦浸淫淵明不降志自  
得絃外音慧遠弗之就反欲相逢迎我聞栗里石  
雲深不可尋

題孟東野詩

東野琢肝腎字字含酸苦馬踏長安花得志日可  
數金門挾策人豈乏東野侶千里萬里塗春寺秋  
寺雨當路覽此編亦可生惻楚

七月十一日李家渡翫月次蔣心餘韻

白露已降近中元李家渡口初泊船臨汝之水頗  
清泚灘岸退出微渦圓平沙漠漠百頃濶乘興藉  
草同張筵忙中光陰疾于鳥偷閑或者全吾天况  
當明月三五近微雲點綴分外妍隔水峰巒隱復  
現一片清氣相迴旋泠泠鐘出林外寺切切蛩響  
叢中烟思攜謝眺問天句可令妙境無詩傳人家  
臺榭供賞眺徙倚局促分中邊滄浪亭子一拳秀  
買之猶費四萬錢何似天涯殊曠絕揮手直拍洪  
崖肩蔣生下筆妙天下萬馬暗避驂騮前虞機則  
釋蝨可貫芒刃不頓牛無全定知將來玉堂裏衣  
鉢嗣我歸金蓮老夫搜羅士如鯽得爾少雋喜成  
顛時時推篷發高唱往往清瑟鏗朱絃五字長城  
勞堅築乃致公緒攻師偏吁嗟古道不可作六一  
曾譽東坡仙絕塵逸足世罕覯嗜好異代知同然  
涼露沾濕難久坐星斗旋轉都移躔明朝打鼓發  
船去又墮人海趨城壩

詩存

卷一

五

聽角寒雲擁麗譙信州刺土豈岿流離閩海盤  
中蕨凄斷崖山笛裏潮舉國蟲沙齊變滅一門魂  
魄各飄搖江南養士無廝養粒絕空腸氣不消  
秦庭何處乞師奔趙氏真無尺地存痛哭心唯依  
帝子薦賢人悞配王孫南陵風雨誰私祭北寺廟  
昏亦餒魂寄語墨胎山下草經春莫發舊青痕  
憫忠古寺弋陽溪兩地英靈問所之餓骨何心重  
肖像丹楹一旦煥清祠孤生厄運離鄉久異代周  
親聚首遲得遇

詩存

卷一

十九

聖朝容直道綱常百世與維持  
丙寅五月御史沈椒園請于憫忠寺  
專祠肖公像部議不允令弋陽  
縣修葺祠宇附祀闔門忠烈

秋早點名偶筆

鵠立青袍候啟扉明星帶火照深闈五更枕上無  
全夢一夕涼生乍授衣橐筆少年猶記憶開編細  
字漸依稀故園多少芳菲樹比較來時大幾圍

疊韻二首答心餘

佳氣葱蘢玉女扉豹關鰲禁肅重闈曾陪卿相分  
蓮炬自到江湖念芰衣清月照來塵夢醒貴遊別

後尺書稀文章可是能華國孤負前山翠一圍  
小院深深靜啟扉良朋況復聚局闈豈同下客思  
彈鋏不是殊鄉易寄衣士念致身親未老名能流  
後古猶稀梗楠自具干霄質莫等空山長櫟圍

舟中四疊前韻

三板輕舳繫短扉下簾風色類清闈白烟午出干  
家市碧浪光搖半桁衣機事偶從碁局動征衫莫  
使酒痕稀杜陵老去文心減思傍南山射虎圍

到建昌五疊韻

詩存

卷一

二

著色林巒映野扉又教使客赴秋闈欲攜刺史龍  
鸞筆來訪仙人錦繡衣近郭翠鬟當面亞避船白  
鷺點波稀長虹廿四門如畫偃月中流上下圍

到建昌三首

晦日始解維秋氣方颯爽雖無明月輝頗見星斗  
朗蒼然暮色圍人語隔烟響霖雨一愆期大河殊  
不廣兩岸崖石高中流沙嶼長篙師苦厲揭方舟  
礙來往意中餘幾里挽去僅尋丈不知坐客心厭  
見塵務鞅小滯亦自佳風牀堪偃仰

千峰霧中過對而不知名但見疊羅列蒼蒼如翠  
屏纔離內史宅漸到益王城雙髻從姑山婀娜先  
有情人家夾溪居屋後阡陌橫嵐氣所蒸潤婦孺  
皆聰明固宜此邦士文藝多著聲尤愛百尺梁藉  
地同飛觥返權中秋後皓月風露清天緣倘莫吝  
俗士甯與爭世間太白死亦有東坡生

使解占崇岡結構殊帖妥不礙遐觀心芙蓉青朶  
朶萬瓦鬱參差炊烟互封裹百雉墉居後三义路  
在左窗外見行人夕陽冠駮駮草蟲靜夜鳴淒切  
詩存

卷一

三

豈爲我養此清慧機滅彼嗔熱火明月正當栢下  
照蛤與羸

秋懷十首

蟲吟四壁靜月出衆山曉昏昏醉飽心到此咸了  
了如何烈士懷立身苦不早名利日熏蒸老死未  
聞道仰看浮雲除太空原自好卷中有清風萬古  
開懷抱

松柏占陰崖不花亦不實泥中長茯苓千歲方採  
掇結之良苦遲欲速恐爲失秋卉滿庭前匝月忽

萎滅爾非松柏姿枉用怨霜雪  
明燈可高張濁酒可重斟清飈方肅肅夜漏復沉  
沉昔賢千載上存言卽存心突兀數點墨微茫留  
至今駿死但求骨恐類書中蟬

昔者昌黎公古道傲無比俯視一世人郊賀反借  
齒王伍叔文徒炙手薰帝里八司馬奇才趨鶩如  
流水劉柳本厚交獨自異塗軌身敗萬事裂悔心  
洞骨髓老赴廷奏軍遠貶潮瀧鄙到今垂斗杓瞻  
仰足猶跂假如一不慎千載事已矣香山名雞林  
詩存

卷一

三

畢生樂恬醜文章或相輕志行毋乃似  
春氣多蓊鬱秋山多刻露楓相乍經霜點染成紅  
樹夢裏故鄉山歷歷自來去客子達清晨欲返不  
知路

百頃西湖水一尊若下春但趨風日美得意固無  
倫人人慕張范功成待乞身信使兩念遂偏厚天  
何親瑯琊邴曼容中品希斯人

一試卷盈千倦目時一瞪沙中渺真金棄去如破  
甌古文偁規矩六義疎比興西江歐曾王先賢心

可證登高有人呼鳴鶴宜子應老夫殊灌灌聽者  
無懣懣

平生嗜欲澹于書頗不廉苦恨筆力鈍透紙未能  
鉅陶謝李杜沒起之爲我斫殘膏與賸馥猶令後  
世寤無成恐致笑金人口三緘

讀書師其意約取不貴多精銳堪陷陣烏台終倒  
戈事恥一不知百代須網羅但如腹背羽警策非  
關他

古人去我久卷上存其詩胸中所欲語徃徃先道

詩存

卷一

三

之觸目生興象體物肖妍媸我生非喑默雖拙甯  
無辭今旣異昨日明更非今時歎昔後來者遺之  
將語誰

八月十七夜建昌萬年橋翫月

長橋壓通波勢比虬龍壯夙昔每過之抗懷思一  
上東方月未升客子延首望須臾清輝滿金精水  
氣王命攜肴核登言諧共跌踢衆山忘醜妍遠近  
似奔向潺湲細有聲沙石光蕩漾野外聞無鄰蕭  
疎清景曠時見負擔人樵蘇或來徃

舟中

河勢餘千折連山合復開空濛帆影亂轉側日光  
來默坐欲無語長遊不可回重陽今漸近何處一  
登臺

遊青原山

坡陀相隱軫鬱鬱羅青原谷深氣象晦日色如不  
暄後嶺擁重屏前岡迤短垣離立雙古檜虬枝向  
空翻佛殿卓方池櫺檻窺泉源長魚潛若寐背麗  
蒼苔痕僧徒數十衆聚處如孤村粥鼓一聲響炊

詩存

卷一

七

烟飛山根壁龕山谷字半缺不可捫後來陽明公  
大書今尙存俯仰尋世事日月徒崩奔釋子具願  
力能恢彼教門曹洞一滴水不離衆流渾遂令荆  
棘地永仰龍象尊我于鞅掌暇暫爾適話言遊者  
豈可數感此慚緇髡

九日

三度重陽節連年在吉州好山看不到小院試登  
樓微雨含輕霧新霜冷暮秋一聲聞過雁今夕宿

何洲

我是皇華使，寧歌道路難。  
尙憐籬下菊，此日屬誰看。  
道爾生清興，蕭然感候寒。  
諸君同旅服，各念故鄉安。

筠州與沈維涓太守小飲

微霰一以集，蕭然庭不喧。  
冗官思暇隙，執手暫開尊。  
短日江湖迴，臨風意氣存。  
舊遊誰在眼，毋厭到黃昏。

故人非俗吏，相遇更殷勤。  
政美清醇地，根深爾雅文。  
一盃同念昔，十日復離羣。  
慷慨空江望，陰雲莽不分。

卷一

三

與維涓及令弟受于飲碧落堂席間受于出  
峴山讀書圖求詩

我昔登峴山，空望讀書間。  
後來與子一握手，燕市轅馬分襟裾。  
今來筠州碧落堂，三人置酒同圍鑪。  
盱衡俯仰十餘載，顏髮已變音猶初。  
我共賢昆走南北，君亦飢驅萬里塗。  
滇南曾弔西平沐，僊耳復訪眉山蘇。  
孤羈落拓夢鄉井，魂魄獨與相縈紆。  
隨身一束丹青在，曾不三宿如浮屠。  
君今年華匪少

壯六合內外皆蘧廬登高攬秀會真態要與卷軸  
無差殊目前此意即可圖匡牀竹几嵐氣俱瓶笙  
風籟供朝晡老木落索啼飢鳥寒雲黯淡雪下無  
潤巖皴壑青糊模但欠碧浪鱗鱗湖

過新淦偶作

就義方正學先謀卓侍郎誰人發大難臨事避他  
方主燼金川入臣冤鉄鑊傷只餘黃與練未許怨  
文皇

康郎山功臣廟歌

詩存

卷一

五

紅羅真人起滁濠天弧墮地揚旌旄龍蟠虎踞定  
南國削平僭亂如吹毛上游楚氛勢頗惡奮臂怒  
比螳螂驕江漢竊據意未足騎鹿欲向西山邀南  
昌堅城鉄作甕撼山有力空爲勞金陵援師來颯  
颯乘風颯謀臣猛將談六韜從以仙人周顛左右  
舟中翺賊徒返旆出彭蠡扼吭不得通江湖罪貫  
不盈勢不滅介恃戰艦匡廬高鯨鯢小捷遽得意  
紀信出詐漢王跳遂令三十六將同戰死廟貌留  
祀康山椒中央一人丁普郎齊雲振舫如漁舫韓

成居左同列坐半褰赴水赭黃袍其餘面駢面塗  
炭冒突烽焰頭毛焦別有三五少年白面帶微笑  
甲冑踴躍輕波濤豈是鴟夷生去日塑工肖得窮  
秋毫定應賊顛貫矢後英靈舞抃隱約來林臯惜  
哉張定邊爾亦男兒曹天完逆將眼不擇猶奉餘  
孽奔危巢奇材劍客悞荆楚百萬齊作跖犬嗥鬪  
體鋪滿大湖底陰夜餒哭聲號咷寤知此廟三百  
年春秋伐鼓牛羊牢古槐鬱鬱崇封袞曾護真主  
驅鴟鴞枯株斷枿猶敬惜過客競奠香牲醪廟前古槐  
字鐫刻蟠龍齧

詩存

卷一

七

一株相傳明祖避難其下後錫封號迄  
今行舟致禱枯幹架置廟中不敢私燬  
嗚呼樹木  
尙如此英雄可不慎所遭湖波浩淼風蕭騷廟中  
木主永勿祧金匱石室之史倘遺漏不妨搜討姓

次楊子載韻

子載名屋祖本四川世襲土司  
於雍正五年徙插南昌入籍

獐鷗初定其浮船知子于今已六年客土無依憐  
志氣高樓獨上看雲烟平湖新漲連空岸鎖院懷  
人類隔天時心餘寓居鄱陽許借西江爲滌筆夢中篆籀

或驚眠

朱子六經圖碑

石刻在上饒縣學

六經之書古尙缺六經之圖古更無聶氏有功著  
三禮猶惜六經非全圖誰其縮之六片石刻鏤名  
物窮錙銖石六片兩面刻宗廟左右辨昭穆明堂類會聯  
冠裾徐揚雍冀列地軸烏火虛昴通天樞國有六  
職工居一輿輪蓋軫多爲車六律娶妻呂生子鐘  
磬琴瑟鼗笙竽瞭然一一指諸掌不比揣籥談空  
虛古者左圖而右史形上形下貫精麤箋疏曲折  
難盡曉了了壁上觀規模不見文翁石室像可證

詩存

卷一

天

跪坐非跣跌漢氏去古尙未遠辛勤補綴追厥初  
詎因犧象劉沓說小失便訾北海誣紛紛末學講  
元眇無根勦襲堪胡盧聖人象數蔑芻狗問及典  
制徒睢盱一朝紫陽真儒出大含細入該無餘渺  
然心通作述始置身三代窺唐虞我生識小尙不  
足敢比豎亥周坤輿留之昭示千萬世何止聲價  
壓東都

回南昌

歛露西山色迎人出樹端明知三日住亦作故鄉

看

吳城

地扼洪湖口商船集此灣孤亭帆障面三里市圍  
山蛟蜃避英烈風雲通往還我來催解纜五老逗  
蒼顏

渡彭蠡湖二首

湖神今助我舉帆入空天積水淼如此吾心亦浩  
然雲藏青嶂杳雨洗白沙鮮點綴洪波外分明映  
客船

詩存

卷一

无

掠水疾于燕樓船大幾何祇疑縮地近不覺挂帆  
過戍角飄洲嶼神祠隱薜蘿吳城九十里隔絕午  
烟多

三峽橋

地靈故顯異勿與懸瀑同轉雷深澗底磊落眠痴  
龍水無一寸直石作千重墉遂令至剛物長受至  
柔攻射之不可透激散乃飛空道邊蒼髯叟萬株  
髮蓬鬆日光午不照谷陰風更雄松聲旣如濤濤  
勢復如松下上相震盪古佛耳亦聳子由三峽客

觀茲心猶忪况我東南人險絕何由逢

贈棲賢寺僧汝密

身似阿羅漢卅年住翠巖橋邊巾拂古室裏見聞  
緘落澗驚龍象虛檐舞檜杉茶烟徐出院客到亦  
非凡

萬杉寺

嵐氣陰陰日氣昏萬株竹栢不知門籬裏有僧窺  
客到一聲鐘鼓動山根

李中主讀書臺

詩存

卷一

三

一鬼東都逃爲僧檀來軍聲徹金陵定遷虛嚇留  
從效小朝王氣寒於冰白龍翠玉排雲霧猶是元  
宗讀書處帝王金鑑辨賢奸悞學儒生理章句富  
貴豈得兼煙霞萬金買地歸僧家烹茶掃葉遊人  
弔千年山鬼揶揄笑

王文成紀功碑

甯藩亂氣方崢嶸不知上流有文成逆書達朝朝  
土擾中樞端坐唯王瓊虎出捕鹿羆據穴一月遂  
破南昌城葦中漁舟不可渡婦言弗聽涕縱橫濠

也猖獗果何濟天爲孫許留忠名大賢指揮坐武  
帳春風談笑攜諸生自言勛業本餘事試手卻令  
貔貅驚縱之復擒匪所難敢導天子爲佳兵公族  
行誅當慘怛臣子守職掃欃槍茲捷豈足擬中興  
崖間煩刻浯溪銘得毋矜伐誚元凱山靈無罪顏  
爲黥當知明室勢外重于戈往往起宗盟前有漢  
王繼安化爪牙護衛皆鯢鯨流傳庶足示炯戒一  
寒逆膽消奸萌到今銀鉤鉄畫在光耀牛斗潛鼯  
猩有人如此真豪英撫掌豎子真蚩氓胡不安樂  
詩存

卷一

三

效乃祖囊雲閑看廬山青

漱玉亭

海風吹不斷江月照還空瀑布挂山上謫仙語最  
工及乎瀉地時子瞻極形容劈開青玉峽飛出兩  
白龍天生一雙劍萬古摩青濛唯有二詩人浩氣  
鬥清雄相戒後來士慎勿號寒蟲

遊廬山歸五絕句

北風留客落星灣雲壑風泉一日閑晚就水窗然  
絳燭六人同坐話廬山

尙殘嵐潤在生衣隱隱泉聲隔翠微圖經一卷重  
開看今日親從那處歸

野夫獻地自南唐儘有幽奇古未揚安得十枝筇  
竹杖更搜雲霧叩天間

聞說黃岡靖果園平生不踏異端門琳宮梵宇吾

何愛恐被山靈笑寡恩

靖名道謨辛丑進士主白鹿洞教二載斥佛甚嚴

題句誰當第一流天生絕境恐難酬祇應誇向人  
間說不負名山已四遊

九江使院西有八角石爲元總管李忠文公

詩存

卷一

三

補

墓余出人必式焉賦長句弔之

紅巾東下已臨江壯氣登陴控此邦市里今存八  
角石波心舊列七星樁天魔秘密猶酣舞首鼠紛  
披各竄降未廢科名收國士李齊余闕總無雙

丁卯八月闈心餘闈書和其闈中望月四絕

句

卷裏朝霞秀可餐崢嶸氣象掃郊寒知君早有凌

雲興不作尋常月色看

才力班張孰禁當明年傾動集賢牆素心難得陳

無已長記南豐一瓣香

歷歷仙官在玉清雲端徑路覺分明姮娥有藥能偷得管到層霄十二城

夜漏丁東出角樓萬人同聽倍驚秋碧空一片如珪月誰解乘風共舉頭

主司錢集齋先生揭曉後偕同考登明遠樓

用韋左司郡齋讌集韻賦詩奉和

纔馥小山桂欲佩茱萸香登樓展眺望山澹水亦涼棘闈度匝月秋氣去堂堂邁此執手樂且勿歌

詩存

卷一

三

太康夙昔陪京輦昕夕永弗忘誰知六年別未共樽酒嘗王事千里至餘興發清章一升崑崙顯羣雅隨翱翔公私兩俱適寓目何洋洋我雖局外客亦弗分畛疆

集齋先生登明遠樓見士有不第者惻然動

念用山谷詠李伯時韓幹三馬韻成詩奉和妙技爭誇和與垂闇中得失千鈞絲一朝榜發胡

自歎默默愧此三寸錐

聖朝選士命歐陸冒暑六月銜車馳正當珠玉搜

仄陋肯以糠粃輕孤羈須知蕊榜有定命一土數  
偶百士奇長途弗與整秋駕故里還復烹伏雌爾  
方倚欄意何似公乍登樓遠覓之文章公器古自  
反洗濯骨髓甯毛皮金針度處誰共喻馬首噪者  
或無知如得其情矜勿喜公之衡文真士師

與錢坤一明經別十餘年今侍集齋先生來

江右承貺佳篇次韻奉答

使星光照孺亭墟不道長房隱在壺觀面乍過今  
日望吟懷還似昔時無預憂期促催青舫暫喜齋  
詩存

卷一

三

深繫白駒俯仰范湖同聽雨形容愧我已非夫  
殷勤小坐泛深卮結習難忘在硯池共溯源流千  
載事別裁金粉六朝詞羅將朴學隨前輩樂得新  
交壯我師

謂心餘也

窗外芭蕉聲浙瀝此心留證幾人

知

九月十三日雨中邀坤一心餘遊百花洲同

限藏字山字韻二首

幾重亭館接秋塘卍字闌千亞字牆有客欲聽楓  
葉下今朝兼帶雨聲涼朱樓明月唐人語菊徑松

關晉代香肯其避喧來永日芙蓉洲上任君藏

相逢那許惜醜顏勝地輕言往復還同是冥鴻飛

雪爪况看歸鷁賦刀鏗

余任滿將旋京而集齋乞假省墓與坤一同歸嘉禾

秋聲不放檐前樹露氣能沉水外山記向短牆留

醉墨他年側耳聽鬢髮

南昌舟次聞張雪子編修訃音

旅魂何處寄靈幢枉說衡文到錦江便爾臨風成

一慟傾河瀉溜涇船窗

詩存

卷一

三

一編則百卷皆空

近來何處寄靈幢枉說衡文到錦江便爾臨風成

南昌舟次聞張雪子編修訃音

一慟傾河瀉溜涇船窗

旅魂何處寄靈幢枉說衡文到錦江便爾臨風成

雪爪况看歸鷁賦刀鏗

余任滿將旋京而集齋乞假省墓與坤一同歸嘉禾

秋聲不放檐前樹露氣能沉水外山記向短牆留

醉墨他年側耳聽鬢髮

詩存卷二

仁和金 德瑛 檜門

紅心驛

小簇弓刀隊蕭蕭度遠林人今垂素髮驛復遇紅

心倦馬嘶風急遙村帶霧深去來何限事市釀且

孤斟

宿州

七百里平陸亂山逢玦環鴉飛喬木外馬飲小橋

灣綠麓投茅舍煎湯煖客顏依稀曾宿此八載使

詩存

卷二

車還

戲和旅壁舉子詩

冉冉殘陽下竹扉勞人止處乍如歸還朝驟馱聲

雖喜結社雞豚志尙違土銜帶烟迎遠客塵沙掩

面笑靈妃宦遊也逐題名隊指望春明換褐衣

小簷至宣武門哭雪子殯于蕭寺中

惡耗西來不可聞幽明無路復同羣平生舊友今

餘幾未卸征鞍便哭君

迓耕石別十餘年過宿寓齋與陳句山齊息

園握手感歎情見乎詞

猶逐孤雲到帝城相逢令我氣崢嶸正平方寸藏  
山岳師魯邊疆策甲兵乍喜盍簪聯舊侶幾多泛  
梗失同盟潞河且勿匆匆別十載襟懷待細傾

卽席同用東坡百步洪韻

尊前且緩卷白波聽說萬里行揚梭爲飛站水鴉  
不到規外星辰看盪磨坐令十笏蝸壳地笑兀恍  
覩千層坡南海炎威深坐甑西涼雪片大飄荷滇  
池遠策龍鬚竹金沙江畔探旋渦無行地難絕迹  
詩存

卷二

二

易翻然復渡桑乾河招來博雅齊與陳讀破萬卷  
窮搜羅得君目擊證經史笑未學殖驚腫駝慨欲  
著書續班固胸中腕底浩委蛇乃知山川助興象  
磊落行看翻白窠但惜彫零故人少指口可飲真  
無何花朝纔過風日美任資談劇忘評訶

二月廿八日同心餘海淀觀山桃約句山息  
山園不赴仍用百步洪韻叩之知必有解嘲之

答也

春草碧色水淥波鶯聲度柳穿金梭此時點也語

同志由求事業皆消磨卅里珠宮環威墅位置高  
下池與坡桃花爛開紅錦幃酒鑪曲引碧筍荷虹  
橋朱閣先祓禊肯教觥底停微渦中年意氣類陶  
寫偶逐輕駿隨三河夢艸詩中期對謝釣魚船上  
還尋羅欲歸未歸夕照亂驢影卧地長於駝無情  
僕隸解留戀若與賓主同委蛇沙塵昏困心混沌  
倏鑿窾窾如蜂窠老師堅壁挑未已高人飲外忙  
誰何知君爽約應惋息以心語口自相訶

哲憫太子於丙寅四月八日誕降

詩存

卷二

三

上喜而賦詩一律丁卯醉盤復次元韻不意除夕  
痘瘍及今戊辰浴佛日則

大行孝賢皇后喪又將逾月矣

土感時悲悼用舊韻志哀而命臣等總和三章

梵夾多羅浴佛傳遞看三載竟殊焉由旬彈指時

難定隕月沉珠事或然何處東風堪憶夢御製

輓詩忽作東風皇后夢偏於旅岸邊由來西竺別爲乾一番合掌隨佳

節卜得循環有勝緣

徃值由求事業皆消磨卅里珠宮環威墅位置高

中宮吉語傳天家主器有人焉欣聞再索情彌切  
起視前星黯又然栢酒陳來誰慰

母繡襦藏去未承

乾苦提肯證三生事鶴影笙聲是宿緣

琴瑟餘音寂莫傳恰將匝月倍潛焉不飛鸞信來  
蓬島猶記金輿上肅然苑樹尙開紅躑躅容衣空  
設繡連乾從知

堯舜人倫至感入詩篇托淨緣

同年王介眉下第後出月下觀潮圖索題

詩存

卷二

四

與君羅刹江邊住似神而非見無數每當月滿潮  
愈奇噴飛凌亂廣寒霧何用射之誇吾能振衣抱  
膝白眼橫世事只如潮起落中心爭似月分明種  
胥亦是癡魂魄猶趁秋風逆浪生

張立民一花庵圖

見子帝城內東風帶雨斜故鄉消息杳畫裏對梅  
花

張直夫耕田識字圖

讀書宜識字此語聞退之誰能戒鹵莽樸學受人

媼

無田不可歸宦子嘗歎息勿輕數稜田進退堪自得

題心餘歸舟酒醒圖

春明一瞬乍蹉跎五兩今朝去潞河風月最清遊  
子夢紅塵回首醉時多

蓬島同遊飛絮時期君共借上林枝河橋柳色依稀似病叟空齋感別離

題耕石水村取適圖

詩存

卷二

五

遠遊險涉江與河江南烟水無濤波京雒緇衣雜  
風雨江南烟水無塵土吳兒出門卽上船不知天  
與生安便四方閱歷人事倦始覺此水真可憐南  
中雪花頗飄瞥柳不舒顏亦不折女娃柔腕軋輕  
槳煮茗松風響清越主人乘興披篋來是漁是釣  
何超逸分無宸章賜石湖叵耐孤潔如倪迂一聲  
鈇笛水紋裂兀鼻或似楊廉夫少小相逢結交早  
眉間精悍今不老喧呼燭炮杯殘夜反覆鴛湖笠  
澤好怨別秋風潞水帆一人素服

向山時以  
憂回杭州

一凶

旄謂雪子 旄歸湖州

筭君萬里興淋漓奴婢魚鰕清絕倒

我不能去可奈何心迹相悖甘從詞君今徑聽吳趨歌豈無歎舊懷知意回念執友哀無多

補溪草堂詩

宋處士顧細一本上虞人程

文海徵之不就避地卜築於虞山之補溪後

子孫卽以草堂爲祠

元初徵召皆宋臣雪樓心疚期同塵遺民或瞻不肯泮史籍弗著名將湮卽如顧翁毋乃是疊山而外有斯人上虞避地來孤隱補溪一曲清粼粼生

詩存

卷二

六

居草堂死則祠碑宋處士存其真子孫承家勵名行書聲夜響環溪濱翁卧地下志應伸江東誰人數甲門簪紳王褚奚足倫

紅豆樹亦顧處士手植錢牧齋宗伯取以名

莊者也

紅豆卽相思本是兒女樹不知銑石心腸人種之所思在何處六陵冬青黯無色翁有故鄉歸不得細柳新蒲杜老吟一心寄花花久植錢家尙書稱壽時偕柳夫人誇賦詩此樹此樹如有知見錢見

顧爾其悲

送沈椒園侍御之登萊青觀察任

五行祿命有定踪君每衣繡行山東山東水旱游  
饑饉流離隔歲聞哀鴻

詔書惻怛官吏走提挈綱領推羣公君於其間殫  
心力更

命觀察周始終善事上官古語諱俯循凋瘵民情  
通坐見青齊北海郡一變斥鹵勤三農焉得消寒  
久留駐門外驪駒嘶朔風知君甘旨迎養樂大勝  
冷宦盤堆菘剪燭十年話不盡出入相避真匆匆  
目今漸覺鬢毛變將來兩訝冰霜容

詩存

卷二

七

國朝文雅山左盛新城尙書名最崇承流學步互  
標格或類雞犬移新豐韓之衡岳蘇海市豪釐虛  
實皆天工勉將精詣追古昔莫以僞體驚兒童君  
昔南池著騷曲千載事湖杜陵翁七真方外雖誕  
幻游眺亦足開心胸蕃宣歸時攜一卷示我碧浪  
翻魚龍

孫端人中允寓初九消寒限九字

露索風絃凍欲朽，饑烏啼睨枯枝柳。驅寒送暖剖黃封，速實疾遣牛馬走。主人海外囊篋空，石有端溪米乏斗。好事猶開北海樽，內言近失伯倫婦。少資諧謔展懷抱，徐掄甲子分先後。初陽會始執敦槃，射覆盆中猜窳藪。氣酣朱顏壓滕六，律嚴白戰續歐九。傾敲醉墨壁間留，或有知音認蠶白。

同年秦樹峰齊息園劉繩菴過飲拈涉滌二韻同賦五言

清譚無津涯，興到隨所涉。霏霏轉雋永，宛宛自怡詩存

卷二

八

愜况茲衢術，通磨麻望中。接呼童易招，邀款戶來狎。恰歡言掇冬，菹雅令傾竹葉。坐密禮豈疎，機乘巧較捷。險語借波瀾，母用力妥貼。盍簪動契濶，閱歲迅昕夕。啟明催鞅馬，好境幾虛擲。誰能肝肺傾，還向冰雪滌。徑欲效涪于，醉勿論斗石。六花夜撲簾，紅蠟照敲幘。剡藤與蠻牋，書淫兼傳癖。能來勤過從，莫阻角張歷。

蠟梅

幽香清沁最先開，蠟色還疑未是梅。詩老名標元

祐後玉人粧改道家來亦知調鼎原無味爲伴消  
寒應早栽誰致鄢陵稱絕品素心相訂撥冬醅

恭和

御製賜傅恒經畧金川元韻

地穴猶偷鼠天弧正射狼相臣兼統帥士氣盡飛  
揚房杜參帷密張韓策敵良山川聚米見營陣列  
蛇長破竹收殊族來琛隸職方知人惟  
帝哲麟閣有輝光

恭和

詩存

卷二

九

御製瀛臺賜經畧大學士傅恒及諸將士宴元韻

賜宴台衙赴蜀陔

廟謨今協蕩羣酋旌旗一變新更帥樽俎徐開隱  
伐謀雪嶺飛師穿棧入繩橋策馬聽泉流筵前躡  
躍酬

恩切歸看元侯又列侯

恭和

御製賜經畧大學士忠勇公班師還朝二首元韻  
上公萬里著精忠歸鼠投戈乞命窮乍自

恩綸施渙汗真同旭日曜幽蒙道封晉國酬裴度  
頌擬燕然賦葛宮從此一隅安反側神威止殺荷  
元功

么麼何物暫容巢仰賴

皇慈許曲包徼外歡呼

天子聖番中占應大人爻麒麟繪象漢廷美魑魅  
圖形禹鼎顛伫看袞衣歸輔日桐華初發鳳鳴交

恭和

御製金川納降奏凱元韻

詩存

卷二

十

灰心醜虜詎能然

帝有恩言相度宣萬里囚泥拱

北闕三軍歌舞接西川鑄金永祝威名震露布遄  
飛墨氣鮮那似鬼方師久克丹忱勇略自回天

題程莘田學士綠雲借蔭圖

逆旅光陰孰主賓古桑相對亦前因問他翠葆成  
帷日閱過居停有幾人

晴窗退直日婆娑十畝如同樂意多料得此心無  
繫著藤廳薇省待如何

奉

旨送禮部侍郎沈德潛予告歸里卽次其謝恩元

韻四首

贈言豈獨徧同官

宸翰頻頒慰別顏

賜與壺中新日月占來杖底舊湖山瞻雲夢合縈

丹鳳如水心宜對白鸞

恩遇歸途人艷說諸生十載位通班

詔許歸田出

詩存

卷二

十一

禁廬於今老矣七旬餘庾郎春雨常懷韭張掾秋  
風不爲魚報國尙期垂白後致身難忘受  
恩初五湖便是賡吟地橐筆從教陋子虛

二疏遺躅古同欽老景清標入

睿吟

御製詩有清標終惜去朝班及依依老景任婆娑之句

詩豈窮人前語

妄榮因稽古後生箴鷗馴

聖澤烟波濶草識春暉雨露深此去江南圖畫裏

溪山曲曲樹愔愔

乞得閑身返碧蘿

龍樓欲別更婆娑已傳鄉信先魚鳥未肯臣心冷  
軸邁靈壽齊眉扶鶴髮薰絃應律動驪歌還山倘  
就郊居賦早晚封題達

禁坡

恭和

御製季夏視朝詩

鉅典雍容慶有那溫風曉色到鸞坡初過時雨衣  
冠潤新沛

殊恩拜謝多仗影平臨班影合臚聲靜應樂聲和

詩存

卷二

三

聖明尚厪其難念百爾寅恭勵匪佗

題周石帆齊息園茅屋對吟圖

蚓竅蠅聲事可嗤驚濤聳骨各矜奇夜來箕斗穿  
中霽照見青田二鬼詩

安福孝廉王

哀詩

識子垂髫日雙瞳秋水光人似勝衣弱文則挽弩  
強貫穿經史集筆力恣汪洋每舉向人說孤鳳騫  
高岡庶幾鄉前哲遠紹歐周楊卯歲登賢書主司  
賞欲狂春闈暫被放未卽排天闖來日豈不多何

惜小迴翔長安師友聚學問得商量往來數晨夕

風義何敦臧那知嬰夙疹一發遂莫當我與司寇

公五十日徬徨錢集齋司寇生座主也時沒於錢寓求醫問湯藥事

事相參詳母病四千里飛書促還鄉到來未及閱

病已中膏肓溢化雖有命旅逝益可傷關君門戶

重寸裂舉家腸知子目不瞑泉下淚浪浪

靈珀篇 珀長扶寸中有莖葉如穀穗冬至

則敷榮暢茂夏至消落

上以其靈異為製賦命臣等賦詩

詩存 卷二 三

珀也能靈古未聞中涵物態何翩翩閃金蒸粟表

裏勻柔條嫩葉滋精神娑羅樹影臨廣寒鈞鉞潭

空藻苻繁內官捧出閭闔門炫惑變幻難具論思

之疑析若木根千年長受扶桑暎排陰出地氣永

存一陽感動貞復元微生粟顆枝漸分乘妬萎落

了無痕因以授時承

至尊發攄器道垂

大文南山倘有赤松羣藉茲獻瑞光氤氳

恭和

御製書福字詩元韻

有福從天逮眾僚  
喬皇鉅筆日星昭  
神龍舒卷祥雲護  
驚鵠飛翔墨海超  
朵殿揮時光照座  
金門

捧出喜連朝侍臣擬上

奎章頌文思年年仰

聖堯

題劉繩菴鏡影小照

不受纖塵染還君本色  
人陶吟形影句自題和陶形影神三

首佛說宰官身方外  
寓同調圓中自有神  
洞山賓

詩存 卷二

主位一笑兩生春

恭和

御製瓊廬元韻

張設偏於旅次宜  
幕人先導與遷移  
承塵圓蓋依稀似  
立壁疏籬彷彿之  
止頓不知風蔌蔌  
褰簾還見日遲遲  
離宮罕建休民力  
堯禹從來肯自卑

南臺四首

十里到林垌平鋪一掌青  
通潮龍有信絕岸虎連

徑臺山外有五虎門地鹵晴猶濕魚多市  
最腥停輿遊

日好烟靄入虛亭

曉日大旗張橋邊置摧場赴城無咫尺停舶走漁

商八月新遭颶重洋屢折檣脫身堪喜極何事更

彷徨八月初旬颶風大作臺灣太守方邦基渡海十七人皆被溺

南下三江口水師壯國威兩營爭犄角狎浪捷如

飛士卒閑張網將軍歲打圍

先皇謀畧遠田父樂晴暉閩安鎮舊有綠旗水師雍正六年添設漢軍水師於

洋嶼

自關臺灣郡漳泉粒食饒福州程更捷直達不崇

詩存

卷二

五

朝針路舟師熟海中名針路島門牧豎跳懷柔資障衛

使者戒輕騷臺灣由福州去較廈門更速昔時海道未熟專以鹿耳門為險今處處皆可登

矣

烏石山謁范嵇二公祠

烏石一拳秀偏存碧血斑春秋祠死事實主共名

山萬戶人烟聚千疇氣象間承平當暇日指顧但

開顏

福州登舟

一城官吏送行舟倏變炎涼感去留昨日未藏班

女扇臨風待試晏卿裘直穿重疊雲峰峻廻顧蒼  
茫海氣秋昔鬢尙元今漸白可能容易說重遊  
灣環到處問逍遙不奈長年俛語曉曉色推篷聞  
轆金晚窗生濕看傳瓢侵船石面添芒刺近漿茶  
鑪急動搖却有成人知使節角聲飛出遠山腰

新將軍幕中遇汪西顥話舊因出尊人舍亭

先生桂林課子圖遺照索題

先生名坤康  
熙甲午孝廉

杜老偏憐驥城南亦課符秋風疏硯席金粟落磨  
麻令子結交久離羣感歲徂抱經依幕府撫卷淚  
痕俱

詩存

卷二

六

十月朔宿石陂街逆旅主人出畫卷求題

昔來戊午今庚午中隔庚申作畫年紙上蒲帆原  
不動人如飛鳥卻飄然涼風木葉聲蕭瑟茅舍山  
橋路折旋老去東坡還好事烟江疊嶂賦新篇

陸行絕句

四圍曉霧罨山程耳底風泉暗有聲小塢人家深  
不見炊烟上接白雲生

崎嶇一徑出延平苦見輿夫汗欲潏浦裏雙龍何

處覓銛峰却在嶺頭橫

碧玉雙流遶建陽考亭先後樂茲鄉遺編可讀嗟

吾老遙指仙峰問茗香

建溪天險溯流難亂石嵯峨一線寬用絳用篙休

用櫂不聞人語只聞湍

竹箭無窮產自南清陰拂拂尾毳毳但供翡翠鯨

魚筆斬盡千山爾亦甘

適志真人汗漫遊雲舟風舵俯齊州何事弟兄甘

化石囚山兀立萬春秋

江郎山石三片舊傳兄弟三人所化頭山四圍無足

詩存

卷二

七

觀者

烏相經霜黃復丹川原掩映綺霞間一尊莫詒村

醪薄好向西風鬥醉顏

再使無緣瞰荔支色香味在譜中知秋來驛隔楓

亭杳地利天時兩失之

題高東軒相公松竹梅水月五清圖照

塵迹日擾擾清氣于何來思對水邊月流光一徘徊

猶心如月不蝕以水相磨揩曠然宇宙迴自覺形

神諸先生坐盤石朗朗露襟懷松竹挺直節寒梅

發根莖一生利民國隻手障黃淮隨時著勛業內  
省奚有哉六一古寄託五清今朋儕欲識達者心  
茲圖請爲開

恭和

御製釣魚臺元韵二首

項王猶笑匹夫雄偶受人憐濟路窮昔辦多  
多百萬衆今餘嫋嫋一竿風誰爲左証中庭語或議欺  
降六十翁豈有男兒垂釣老薦賢無卒惜文終

臨淵曾值女中雄晚遇娥媼悔命窮自請假王臣

詩存

卷二

六

躡足孰當猛士帝歌風果然兔死方烹狗不見盟  
寒尙棄翁臺下潺湲留惋息幾人功大克全終

往使金陵未賦懷古之什敬和

御製謁明太祖陵元韻倣半山貢父例疊成四章  
蒼蔚松楸隧一方禮殷創業奠椒漿自提虎旅中  
都起遂睹龍飛四海王改制機深周內外承家尾  
大兆參商有靈不遣郎傳語痛惜神燹自潰防

尺土無階漢比方蝨生甲冑汗成漿燕雲入手方  
全夏龍虎稱都尙緩王自運韜鈴眞聖武末流朋

黨費訐商鳳陽霜露驚烽燹誰領雄師一控防  
南作留都鼎北方寢園難自奉膠漿萬幾蠹腐先  
神廟半壁驕淫更福王  
聖入冷陁方靖寇周申前鑒曰咨商興亡俯仰無  
多感明德維馨萬世防  
林陵取道自朱方  
躬舉明禋致醴漿牛首山橫分兩闕龜趺碑在認  
前王冬青有樹曾悲宋白馬來賓尙祀商真是  
聖朝仁厚極昌平川谷盡隄防

詩存

卷二

九

恭和

御製塞外山田元韻

高低皆犖确有人疆場之斲石闢荆棘漸令蕪穢  
治自昔生齒寡土或有曠遺蕃漢今雜聚招徠悵  
窮黎老幼攜筐餉丁壯用力齊颯然山雨過潁汙  
把一犁艱難且勿說猶勝全無資拊循况爭奪疆  
界慎職司庶幾瘳瘳壤樂業咸開眉

恭和

御製駐蹕避暑山莊元韻

具體宮城列羽旌巖居川觀兩皆宜優游  
色笑娛今日結構堂基紹曩時月榭風軒留

澤永藝林書圃受

恩私

聖祖時曾於山莊讀書

上

也因遠馭勤秋駕

皇祖神謨

帝見知時

恭和

御製永恬居元韻

在宥天下悅堯舜猶旦暮誰能以恬養靜居得其

詩存

卷二

三

趣昭昭至人心了了開覺路萬物一體分淵然懷  
抱具樂山樂水間知仁惟獨寤拈之問桑郭妙蘊  
恐難注

恭和

御製入崖口元韻

陡絕雙崖劃透入仇池天肥身長子孫麋鹿自年  
年控制因地脉四面嚴封關蒙古外紛繞不敢私  
飲川每當秋獮候飲飛整轡尋跡依草烟一躍  
越潺湲風毛雨血散人馬逞餘妍據險披其心斷

臂鈐其口耀武以折衝上策古安有  
至尊暇賦詩述春闈心對向

祖示來茲更請書擘窠磨崖昔者誰

恭和 敬湖則且喜高平木代製賞當雷對

御製璫廬元韻呈黃縣春獲人玉階蘇只足於

巧匠為宮室輕齋得自如窗中山月小幕外野烟

虛晏坐宜敷席榮香更展書萬間原

絳闕十笏亦精廬

恭和

詩存

卷二

三

御製閱沈德潛

德潛

進南巡詩章并所和詩至疊舊韻

賜之

翛然林下樂餘春香更氣香萬間原

天顧偏於爾獨親舊侍啟窗中山民小慕於

紫霄充案吏今呈黃絹有郵人江湖藉以民依達

蠟屐兼將遊跡陳且喜高年才力健篋管霜後發

新筠

上諭德潛詩章 命督撫代進

德潛詩章

秋塞風霜不似春關心惟向

日邊親老無筋力隨騶士遠托聲詩和

聖人古調師承北地李開門風溯後山陳

宸章重賜欽高風靈韻美無入

淵鑒竹譜分明別箭筠上覽德潛南巡詩定為他人代擬其和詩一卷則

係德潛自作蕭恭和蕭襲體

御製本蘭元韻九首

長城一分界自北無郡縣木蘭稱奧區耳聞今目

見周原何臚臚錯繡如芳甸禹功未曾施高山大

川奠

詩存

卷二

三

繚瀛啟

皇居包荒闢靈囿創業收侯王草薶而禽狩山大

祖宗功德崇上邁三五茂區區玉斧畫乃誇中原

富興木蘭元韻九首

蕭蕭馬鳴肅艷豔秋卉斑駁御懷挾纒踴躍忘其

寒廬帳占地布糧餒當風餐拾枯煮澗水割鮮快

登盤詩人外盡其味藉一卷

連崖削穹窿詰屈露清美漫滅無人踪蹄風尋所

止艸膏桑葉沃鹿火封牛比山林命庖厨全生恃

何理

宇宙標靈秀文士助之譽檀弓言物始是誰名厥  
初潛闇待彰耀今爲舉一隅不從屬車末焉得觀  
三驅

前旌度灣曲後騎向巖幽昨宵微有霜掩映丹楓  
秋人隨獸窟移十里廿里留宿烟與晨炊相隔只  
山頭

正當三五後桂輪到天心蒼蒼林壑靜中有龍鳳  
吟明星數白石天漿高可斟寫之朱絲弦自然韶  
詩存

卷二

三

獲音

屬國效子來仰依

日月光毳帳參差列土貢馬與羊

天子大賚汝侑之流霞觴信順獲天庇安居勉滄

龐

迢遞趣平行繚曲別深隩歛見田園子熙熙從所  
樂曠蕩地界寬澄爽出蒼昊詎用碎細疏佳處領  
其要

恭和

御製題文徵明小像元韻像爲沈德潛所進乞題

側理傳神儼阿儂三吳風雅問南宗九旬逸事鄉

人記王世貞墓誌陸師道書于卷上

異代標題

聖主逢玉磬卜居同白鶴金門無夢到丁松喜今

名士生多幸不向蓬廬繼往踪

古真真定龍興寺大悲閣佛像

紺碧佛閣千雲霄隔城透見壓麗譙中有七十三

尺像狎恰蓋頂如團茅駢指义臂數未諦循梯百

級分肩腰雙荷張穴容僧窅天王俯膺聯雕尻陰

詩存

卷二

十四

陽爲鑪萬物炭聚斂礦藏鎔脂膏偉哉宋祖所營

造乃似牝武天樞豪豈祈并漢延國祚藉鎮北虜

矜財饒調御丈夫破顏笑我不佑宋亦不遘眼耳

舌鼻心無住須彌山王一秋毫必如大力具供養

震旦像教當寥寥劫灰飛過靖康亂寂定瞋度元

明朝且於菩提巖晏坐慎勿伸欠梁椽搖洪波自

免淖沱鬻舍利豈憚丹霞燒惟周宗言大可怖捨

身利物爲泉刀對二吳風雅問南宗

宿獲鹿有感張雪子丁卯典蜀試歸遂沒於

此

雲龍四海矢相從歎息靈鼈此折峰玉壘題詩存  
舊篋土門視含委諸傭嵐昏頓減春前態世隔難  
尋夢裏蹤真是西州成一慟苕溪馬鬣久茸封

雪度井陘關與周石帆學士同用漁洋韻作

歌

蓬萊宮出祭紙黃秦晉蜀使車聯行

子奉命祭女媧成湯二

陵周石帆祭蜀江源涂太常石溪祭關中諸陵皆同驛道

滹沱渡後望險阻漸

覺山谷生蒼涼燕趙古稱多節義齒冷隙末羞陳

詩存

卷二

五

張唐藩幽鎮互割據晉陽東面鎖鑰詳陰雲似凝  
古壁壘玉屑忽洒征衣裳羣仙跨鶴羽節幢浮空  
游戲樂未央輿夫軒前又輕後滑汰側足頻隄防  
舊關據隘尙中路新關矗翠堆雷礮角聲縹緲出  
雉堞飛白點點旌旗揚山農舊冬苦無雪今喜麥  
隴滋不荒高低鑿坏露門竇一穴豈辨堂與皇石  
由春冷遲墾作枯草迸鋤如針秧嗟爾謀生太踞  
躄慙我傳食隨翱翔不逢爭戰不耕成但騁筆墨  
含風霜峰迴漸失韓信幟出坎更弔興唐王

介山懷古二首

君臣本一體利祿所不言酬庸頒爵祿義在心亦  
安公子出亡久從者扞禦艱有勞斯有報寧得曰  
貪天三士五人後功當次第論駢脅非烏啄豈其  
膏遂屯安有母與子訕懟私斷斷賢者甘飛遜于  
志可兩存功名孤趙外見此廉讓尊立國崇高節  
亦令風俗敦臣如丙丞相口不言曾孫君如漢光  
武嚴光放富春旌善置田里庶幾斯人還亡何遂  
沒齒乃譌子推焚

詩存

卷二

三

臺麓秀東峙分水從西流中間平於掌漠漠良田  
疇如此得偕隱樂哉誠鮮儔公子斬袪走母在焉  
得留蒼皇處狄日道路成阻修及乎十九年相見  
應白頭試問毛與偃有此至情不公子既返國素  
願良已酬甯當尸祿食復從征諸侯堂上樂養志  
遊子懷故邱介山渺何許千載令人求

郭有道墓

請議東京直猶多諛墓詞倘令國史就褒貶可無

私

駢麗可言情敘述當質直今看有道碑他人移亦得

蒲州道中送涂石溪周石帆別各一首

臨河浩浩正消水分手神仙望李膺馬首向西數

百里春風吹綠十三陵

石溪所祭軒轅氏及周文  
武成康漢高帝文帝宣帝

後魏文帝唐高祖太宗憲  
宗宣宗皆在西安府相近岳蓮渭柳迎旌仗石馬

金人指廢興舊說長安原似奔可思覆局對明燈

旅中多與石  
溪圃碁消夜

壯遊持節有餘閒小別知君興不慳曉日雲開屨

詩存

卷二

七

巔掌東風人度喜歡關海棠花下詩方就鸚鵡聲

中騎又還好事較輸前輩便放舟直到楚吳間

猗氏縣戲作

等封千戶死何稱望邑猶留猗氏名漢室有官酬

卜式秦臺高築表懷清龍門立說難千世雷首登

歌苦用情行樂一生誰最得高貲脾睨笑公卿

雷首皆猗  
氏鄰境

望華山

夙昔探奇頗有因當前太華露嶙峋分明四扇潼

關路也說西遊不到秦

汾陰行六首

汾水何如泗水深居然周鼎出幽潯不能承得清  
霄露歸去咸陽更鑄金

后土遺基鴉滿林漢家辭碣杳難尋仙人未遇人  
先老不覺秋風一動心

漢日方中四葉鮮雄豪如武果無前太宗未解長  
生術欲錮南山亦可憐

簫鼓樓船望白雲正當高會莫情分萬歲三聲親  
詩存

卷二

天

聽得岳靈斷是不欺君

漢雁飛餘唐雁飛秋風歲歲不相違休言李嶠真  
才子事過君王悟昨非

榮光又見出河津祀典千秋絕復新王旦不言南  
士喜天書一卷爲何人

望中條山

白雲繞中條中有王官谷谷中地不多于焉甘避  
俗至味外酸鹹高懷抱珠玉園公志或同李業期  
不辱有時思鬱陶草木失春綠誰唱菩薩蠻哀音

過山麓

龍門

世變日云臚慨然三代期六經制治本有道甯自  
私救世類枉尺一卷不復疑彼哉本先撥何能燕  
翼貽授之羣弟子猶作帝王師

榆次令錢

之青

見示五臺行役詩一卷因題

其末

于役冰雪窟風懷乃爾高每吟呈佛句不憚出疆  
勞險奧前題少鐫劒筆力豪洽洽松澗意併入玉

詩存

卷二

无

琴操

舍弟託交契相逢一笑同期登三載考猶極五言  
工地接同戈驛山藏避暑宮定餘懷古什約日誦  
清風

壽陽驛昌黎詩刻

君言不宿驛塵飛公竟甘心蹈禍機廷湊不如皇  
甫罇笑譚容易解重圍

平定州贈同年王蔗村

西趙東燕鎖一州山形齊拱湧雲樓清時作吏容

登嘯白雪招誰互唱酬酒盞元辰曾夜醉詞科舊  
侶各星流過從更喜前期在報政聞書屏上頭

奉

勅題青蓮朶 宋德壽宮遺石一峰旁有古梅

本朝藍瑛圖爲梅石碑今梅已槁仆惟石獨存

南巡返蹕浙江大吏以舟載進於

圓明園

上錫名青蓮朶而命內廷臣等共賦詩

玉井花開結爲石飛過天竺尋不獲是誰輦載宋

詩存

卷二

三

宮中瘦透峰巒蒼碧南渡父子方怡然捧觴祝  
壽如石年敵中徒築瓊華島一拳安處錢唐偏當  
時側畔多花柳傳下梅龍根最久故知冰玉匪凡  
儔合配嶙峋呼執友考古歛賭藍瑛碑羅浮夢杳  
枯無枝只留此朶青蓮在不受汙泥劫火移出水  
丰姿何綽約玲瓏自謝斤斧削

至尊豈幸暫摩挲六百年間事猶昨雲烟寓眼意  
不留豈教遠道勞車舟試看雪浪中山近還許名  
蹟存其州石雖欣幸弗能語天假遭逢依

聖主越江淮河如砥平  
飄師效順蒲帆舉  
昆明鵬綠波鱗鱗更勝西  
冷十里春青松翠栝相環護  
結伴何必孤梅親况今萬里

恩澤渥獻琛貢壁交南  
朔藉表區區向日心照見  
吳根與越角遇雨而潤晴而烟  
鳳麟洲上添鮮妍

自

天題後稱雄甲赤文綠字重雕鐫

10401

詩存

卷二

三

